



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

X. De procurationibus Legtaorum apostolicae sedis.

urn:nbn:de:hbz:466:1-20006

providere ne per immoderati honoris gravitatem aliquatenus possit in vobis monastici prefectus ordinis impediri. Acceptimus autem, vobis significantibus, quod ab ipso domus vestrae fundationis exordio de fundatoris voluntate processit ut fratribus sancti Irenaei procurationem unam annis singulis liberaliter exhiberet, cum terras vel redditus non teneatis ab eis propter quos hujusmodi procuratio ipsi debeat exhiberi. Verum tunc temporis propter fratrum & servientium paucitatem domum vestram exhibita procuratio non gravabat, cum fines levium non excederet expensarum. Sed nunc tantum ibi excrevit numerus servitorum & fratrum quod ad faciendam procurationem vix modo quatuor marchae sufficerent quae pro una sufficienter fieri consuevit. Ut ergo per apostolicæ sollicitudinis curam vestris possit in parte ista gravaminibus provideri, auctoritate vobis praesentium indulgemus ne ultra primam mansuram in procuratione ipsius sitis ulterius predictis fratribus obligati, sed expensis illis quae sufficere consueverant sint contenti, nisi forte facultates Ecclesiæ vestrae in tantum excreverint quod sine gravamine, ampliato fratrum numero, ad soluendum debitum procurandi extendi possit quantitas expensarum.

IDEM ABBATI ET CONVENTVI.....

Cap. Cùm ad
quorum. de ex-
cess. Pzlat.

Cum ad quorumdam malitiam coercendam in Concilio Lateranensi multa fuerit deliberatione statutum ut Archiepiscopi, Episcopi, Archidiaconi etiam, & Decani certum evectionis numerum & personarum in Ecclesiarum visitationibus non excedant, quia, sicut audivimus, quidam ex predictis personis id in Ecclesiis vestris nequaquam observant, super eo commoditati vestrae salubriter duximus providendum. Ideoque discretioni vestrae praesentium auctoritate concedimus ut si prænominatae personæ numerum evectionis & personarum in Concilio constitutum, cum Ecclesiis visitant, excedere forte præsumperint, & pro illis procurationem exegerint, liberum sit vobis auctoritate apostolica negare. Et si propter hoc in Ecclesiis vestras vel Clericos vestros aliquam sententiam promulgant, ipsam auctoritate apostolica decernimus non tenere.

Tom. I.

TITULUS X.

De procurationibus Legatorum apostolicæ sedis.

Idem Primicerio & Clero Mediolanensi.

Cum instantia nostra cotidiana sit, Lib. 1. epist. secundum debitum apostolicæ ser-

vitatis, omnium Ecclesiarum sollicitudo continua, quotiens ipsarum negotiis promovendis non postulamus personaliter imminere, per fratres nostros ea expedire compellimur, quos à nostro latere destinamus, illius exemplum in hac parte se-

cuti qui discipulis suis in mundum universum transmissis, ipse in medio terra salutem fuit personaliter operatus. Hinc est quod cùm nuper dilectum filium B. Tituli sancti Petri ad vincula Presbyterum

Vide lib. 5. de
concordia sac.
& imper. cap.
§ 1. §. 4. & seq.

Cardinalem apostolicæ sedis Legatum pro negotiis Ecclesiæ in Lombardiam duixerimus destinandum, & is vestram civitatem ingressus procurationes à vobis exigenter quae conseruerunt apostolicæ sedis Legatis & Nuntiis exhiberi, vos non attendentes quod dicitur ab Apostolo, *Si vobis spiritualia seminavimus, non est magnum si carnalia vestra metamus*, ne vos ad onus procurationis artaret, nisi à Canonice majoris Ecclesiæ se faceret antea procurari, sedem apostolicam appellastis, & sicut idem Cardinalis per suas nobis literas intimavit, in aliis etiam non modicum injuriosi fuisti. propter quod dilecti filii Praepositus sancti Nazarij & A. Canonicus sancti Stephani sindici & procuratores vestri ad fedem apostolicam venientes ut super his statueremus ordinem & mensuram ex parte vestra suppliciter postulabunt. Licet autem pro eo quod predicto Cardinali vel potius nobis in ipso contumaciter resistentes, juxta verbum dominicum *Qui vos recipit me recipit, & qui vos spernit me spernit*, necessarii denegasti, non pro vobis sed potius contra vos meruerunt exaudiri, quia tamen paternam affectionem, qua nobis est proprium de Romanæ sedis clementia misereri semper & parcere, offensi etiam deponere non valemus, de confilio fratrum nostrorum taliter in hujusmodi duximus respondendum, quod cùm omnes Ecclesiæ Legatis & Nuntiis apostolicæ sedis procurationes impendere teneantur, ab eorum præstatione nullam prorsus habere volumus excusatam, nisi

B B b ij

564 Prima collectio Decretalium

forte per speciale privilegium sedis apostolicæ, quod non credimus, sit exempla, et si longissimo tempore procuratio-
nis obsequium non impenderit, cum in talibus præscriptio sibi locum nequeat vendicare, cum nos à provisione pastoralis sollicitudinis circa omnes Ecclesiæ nunquam omnino cessemus. Sanè in his exigendis eum modum & ordinem volumus observari ut nulla Ecclesia vel Prælatus se indebet prægravari rationabiliter conqueratur. Si vero de communi collec-
ta Legatorum & Nuntiorum nostrorum expensas duxeritis faciendas, quod vobis non duximus inhibendum, ex hoc nobis & nostris nullum præjudicium volumus generari quo minus possint à quo cumque maluerint procurations sibi debitas postulare; ita quod si exactus ultra suam gravatus fuerit facultatem, sibi ab aliis restituaretur. Nuntiis tamen nostris in necessariis exhibendis pareat quicumque fuerit requisitus humiliter & devotè, ita tamen quod in fraudem nil penitus attentetur, nec per communes ministros procuratio-
nis obsequium, si noluerint, recipere compellantur. Qui vero contumaciter eis duxerit resistendum, omni prorsus ap-
pellatione remota per ecclesiastica distri-
ctionis sententiam compescatur.

TITULUS XI.

De decimis.

*Idem Sydoniensis, Beritenensis, & Bibliensis
Episcopis.*

Lib. 1. epist.
516.

Significavit nobis venerabilis frater noster Acconenensis Episcopus quod cum post recuperationem civitatis Acconiensis ad inhabitandum in ea se contulissent quidam qui ante generalem occupationem terra sanctæ in aliis civitatibus regni Ierosolymitani perpetuam elegerant mansionem & in ea residentiam fecerat aliquantam & adhuc etiam resideant in eadem, Prælati prædictarum civitatum eos ad solvenda sibi ecclesiastica jura ecclasiastica districione compellunt. Quia vero transgredi non debemus terminos à patribus nostris constitutos aut falcam in messem mittere alienam, mandamus quatenus prædictorum locorum Prælatos ut sibi nullam in prædictos Acconen-
ses habitatores jurisdictionem usurpent, nec ab eis temporalia exigant quibus spiritualia non ministrant, monitione præmissa districione qua convenit compella-

tis; ita tamen quod si de agris in eorum parochia constitutis fructus percipiunt & in ultramarinis partibus ratione prædiorum decimæ persolvuntur, de ipsis eis decimas cum integritate persoluant.

IDEM VERCELLENSI EPISCOPO.

Tua nobis fraternitas intimavit quod Lib. 1. epist. 242.

quidam laici tuæ dioecesis & alij plures episcopatum adjacentium decimas Ecclesiæ & Clericis tuis perversis machinationibus subtrahere moliuntur, & conceptæ perversitatis audaciam non curant satisfactione debita emendare. Quidam enim ex eis semen & sumptus qui fuerint in agricultura primitus deducendos, & de residuis impendendam esse decimam asseverant. alij vero de portione fructuum quam à colonis accipiunt partem decimæ separantes, eam Capellis suis vel aliis Ecclesiæ seu etiam pauperibus conferunt vel in usus alios pro sua voluntate convertunt. Nonnulli Clericorum vitam tanquam abominabilem detestantes decimas eis obhuc subtrahere non verentur. Qui-
dam insuper afferentes se possessiones & omnia jura sua cum omni honore atque districto per imperiale concessionem adeptos, decimas sub hujusmodi generalitate detinere presumunt. Occasione præterea veteris decimationis, quam asserunt sibi concessam, aliqui decimas novum sibi non metuunt usurpare. Verum si ad eum à quo bona cuncta procedunt assertores hujusmodi debitum respectum haberent, jus ecclesiasticum diminuere non contendenter, nec decimas, quæ tributa sunt eagentium animarum, præsumerent detinere. Cùm enim Deus, cuius est terra & plenitudo ejus, orbis terrarum & universi qui habitant in ea, deterioris conditionis esse non debeat quā dominus temporalis, cuius statutum debitum de terris quas exhibet aliis excolendas, non quidem deductis sumptibus, aut semine separato, necessarium esse dinoscitur cum integritate persolui, nimis profectò videtur iniquum si decimæ, quas Deus in signum universalis dominij sibi reddi præcepit suas esse decimas & primitias asseverans, occasione præmissa vel excogitata magis fraude diminui forte valerent. Cùmque Deo debita sit solutio decimarum, in tantum ut ad eas Clericis exhibendas, quibus eas ipse pro suo cultu concessit, laici, si moniti forte noluerint, ecclesiastica sint districione cogendi, præ-